



CERAMAH...Ustaz Md. Nazrie Petir ketika menyampaikan ceramahya.



PESERTA...Para peserta merakamkan gambar kenangan.

NSI 20.7.2018 6

## 63 pelajar sertai Bengkel Tahsin Solat

KOTA KINABALU: Seramai 63 pelajar Kolej Tingkatan Enam Kota Kinabalu menyertai Bengkel Tahsin Solat yang berlangsung di Masjid Universiti Malaysia Sabah (UMS), di sini baru-baru ini.

Program yang merupakan anjuran bersama kolej tersebut dengan Pusat Islam UMS (PIUMS) dibimbing penceramah dari PIUMS iaitu Ustaz Mohammad Fazri Abdul Hamid dan Ustaz Md. Nazrie Petir.

Menurut Mohammad Fazri, program tersebut bertujuan memberi pendedahan tatacara solat yang betul sebagaimana yang ditunjukkan oleh Rasulullah SAW.

“Program seumpama ini amat bertepatan dalam usaha membentuk modal insan yang cemerlang dalam kalangan peserta sekali gus menambatkan ilmu berkaitan keagamaan ke arah generasi pewaris tampuk kepimpinan pada masa hadapan.

“Pada bengkel ini, semua peserta turut melakukan praktikal solat dan membaca surah al-Fatihah dengan betul dari segi tajwidnya,” jelasnya lagi.

Hadir sama pada program itu ialah Guru Pengiring Kolej Tingkatan Enam Kota Kinabalu, Zainuddin Mohd. Yusoff dan Mohd. Khairi Lebai Ahmad.